

通鑑明紀

一  
函  
六  
冊  
函

陕西教育学院  
图书馆藏书章

明

紀

史分紀傳編年三體而紀傳為正史晉書以迄或奉敕或表上或詔取皆  
官書編年之名亦有二曰鑑曰紀鑑如溫公資治通鑑李鑑長編亦皆  
官書鑑之去如陳王薛諸家頗不考殆迨 國朝康熙乾隆中

御批通鑑綱目

御批通鑑輯覽

御定通鑑綱目三編先後頒行惟

欽定明鑑未出而鑑之為官書也斐然正史皆仿一時學老於章句續通鑑  
既耳黃濬錢竹汀卷了至乾隆中編修者托不什序意固有在而稱乃序但  
悉刊刻如末不立撰述之旨為乃鑑之良是乎謂士末紀傳編年書只有本  
人自序而所援心馬班沈李紀傳之例偏而不事知生為近因廿五紀則  
創自荀氏亦長派為之表氏以下有年紀大紀小紀之類多私家  
筆述亦通鑑之比矣元和陳工部穆子先生字宏宋儒以躬行實踐為師  
資而承范仲淹者部不妄即結黃同時顧南軒通鑑亦以理學名堂以稱謬  
題其書先生曰有意為之邪無意為之邪通鑑豈微之築柱門初

續纂六快中多至卿貴諸閣出之什材多見輯邦志以其言必能傳信  
拉錄頗多而先生一生精力所注則在明紀一書原本西史而參以王氏家  
此外說部野史間有采摭必多謬實而後著之凡彰異說証之說置不  
錄於三百年禮樂刑政治亂成敗忠邪是非之故瞭如指掌不愧良史攷  
荀紀在班固後此班固畫小者增換移易表紀在范前綴會謝承張璠等  
考自出鑒裁是考體例一如荀紀而荀紀率諸表紀自撰則又與表紀同  
也昔人嘗亡荀氏許多純正表氏許多放縱先生書雖不加修飾而決  
擇去取之間一師純正不似放縱人之一一術之於此可久宋韓氏正堂續  
溫公稽古錄論去邪取正非詳士故持論不及溫公是史才有出於三長  
之外老觀於先生書益信書凡六十卷先生手輯至五十有二卷而享  
文孫中孝茂家續成老以卷謹將一肅先生之式恭跋

御批通鑑輯覽分注福王年詳而存桂二王則刪略考後顯示區別與楊  
氏陸纂三藩紀事本末並列者不同今於福王平考於存桂低一格正  
合輯覽依信中書為入修史武庫為其序中之難孤憤發莫遺書付

出通海上族人所撰其書性強實甚謀於中書故人吳平齊觀察以爲  
千金烟之書如完多中蘇州書局補刻通鑑續通鑑既跋觀察以其間  
主於前接年意順丁公曰其刻是書即兩漢紀序兩漢綱目之數千章  
間侵君抄抄本家唐後學和刻一書一集之以此老也抄接俞氏南陽修亦  
從惠之遂開睦踰年書成今推年南安張公紹先生於村多爲鄉先該  
宜方之序村多不敢撰鈔序以爲辭而但志刊刻如末不亡撰述之旨  
則終是序之意云

同治十年夏六月吳縣沈村多序



明紀序

克家先大父工部公嘗本

欽定明史明史稿及諸家記載撰次明一代之事爲明紀未及成而卒紀用編年體起元至正十一年絕筆於莊烈帝崇禎元年自是至三王事皆未具又嘗欲掇其大端著論以見意亦未暇以爲顧其略時見於墓本克家懼遺緒之遂泯續而爲之其爲論多采前人名言不足則附以己意斬與著書之指不悖書旣成復謹案兼采諸書著其所以去取攷異若干卷乃推本先大父之意而言曰於戲自古有國家者曷嘗不監於勝國哉周書曰往敷求于殷先哲王孔子曰殷因于夏禮周因于殷禮而司馬遷論秦六國事亦引荀況法後王之言夫況所稱後王固當謂近世致治之主非暴秦比然秦暴而顛亦王者之炯鑒沉明之傳祚越三百年其政治風俗皆有可觀者歟且夫加禮前代書法必公

聖朝之事也撰述往事以昭法戒儒生之責也我

朝代明在明社旣覆之後於事無所嫌諱又於惠帝莊烈帝皆爲追謚而旌其殉國諸臣是非褒貶洵可服當時而垂萬世矣而承學之士綴輯舊聞間有論著非冗則疎求其無野史猥雜之譏得古人攷鏡之意勒成一書仰資

盛治蓋皆未之逮也惟我先大父殫數十年之力以有是編克家兢兢繕完弗敢失墜今書幸成庶幾上備聖天子乙夜之觀覽於

國家斟酌古今之制有裨萬一顧身未得備員於

朝無所因而獻之用敢述其志事之始末謹書之以俟克家記

明紀目錄

卷第一

太祖紀一 起元至正十一年辛卯元至正十二年壬辰太祖始從郭子興起兵濠州元至正十五年乙未太祖用韓林兒年號稱龍鳳元年卷訖于元至正二十三年癸卯即龍鳳九年也

卷第二

太祖紀二 起元至正二十四年甲辰至正二十七年丁未太祖稱吳元年二十八戊申太祖稱洪武元年國號明

卷第三

太祖紀三 起洪武二年己酉訖洪武八年乙卯凡七年

卷第四

太祖紀四 起洪武九年丙辰訖洪武十六年癸亥凡八年

卷第五

太祖紀五 起洪武十七年甲子訖洪武二十三年庚午凡七年

卷第六

太祖紀六 起洪武二十四年辛未訖洪武三十二年戊寅凡八年

卷第七

惠帝紀 起建文元年己卯訖建文四年壬午凡四年

卷第八

成祖紀一 起永樂元年癸未訖永樂六年戊子凡六年

卷第九

成祖紀二 起永樂七年己丑訖永樂十四年丙申凡八年

卷第十

成祖紀三 起永樂十五年丁酉訖永樂二十二年甲辰凡八年

卷第十一

仁宗紀 起洪熙元年乙巳正月  
訖是年十二月凡一年

卷第十二  
宣宗紀 起宣德元年丙午訖宣  
德十年乙卯凡十年

卷第十三  
英宗紀 一起正統元年丙辰訖正  
統八年癸亥凡八年

卷第十四  
英宗紀 一起正統九年甲子訖正統  
二十四年己巳失位凡六年

卷第十五  
景帝紀 一起景泰元年庚午訖景  
泰三年壬甲凡三年

卷第十六  
景帝紀 一起景泰四年癸酉訖景  
泰七年丙子凡四年

卷第十七  
英宗後紀 起天順元年丁丑訖天  
順八年甲申凡八年

卷第十八  
憲宗紀 一起成化元年乙酉訖成  
化七年辛卯凡七年

卷第十九  
憲宗紀 一起成化八年壬辰訖成  
化十五年己亥凡八年

卷第二十  
憲宗紀 一起成化十六年庚子訖成  
化二十三年丁未凡八年

卷第二十一  
孝宗紀 一起弘治元年戊申訖弘  
治六年癸丑凡六年

卷第二十二

孝宗紀二 起弘治七年甲寅訖弘治十二年己未凡六年

卷第二十三

孝宗紀三 起弘治十三年庚申訖弘治十八年乙丑凡六年

卷第二十四

武宗紀一 起正德元年丙寅訖正德四年己巳凡四年

卷第二十五

武宗紀二 起正德五年庚午訖正德八年癸酉凡四年

卷第二十六

武宗紀三 起正德九年甲戌訖正德十二年丁丑凡四年

卷第二十七

武宗紀四 起正德十三年戊寅訖正德十六年辛巳凡四年

卷第二十八

世宗紀一 起嘉靖元年壬午訖嘉靖三年甲申凡三年

卷第二十九

世宗紀二 起嘉靖四年乙酉訖嘉靖七年戊子凡四年

卷第三十

世宗紀三 起嘉靖八年己丑訖嘉靖十二年癸巳凡五年

卷第三十一

世宗紀四 起嘉靖十三年甲午訖嘉靖十八年己亥凡六年

卷第三十二

世宗紀五 起嘉靖十九年庚子訖嘉靖二十四年乙巳凡六年

卷第三十三

世宗紀六 起嘉靖二十五年丙午訖嘉靖二十九年庚戌凡五年

卷第三十四

世宗紀七 起嘉靖三十年辛亥訖嘉靖三十四年乙卯凡五年

卷第三十五

世宗紀八 起嘉靖三十五年丙辰訖嘉靖四十年辛酉凡六年

卷第三十六

世宗紀九 起嘉靖四十一年壬戌訖嘉靖四十五年丙寅凡五年

卷第三十七

穆宗紀一 起隆慶元年丁卯訖隆慶三年己巳凡三年

卷第三十八

穆宗紀二 起隆慶四年庚午訖隆慶六年壬申凡三年

卷第三十九

神宗紀一 起萬曆元年癸酉訖萬曆五年丁丑凡五年

卷第四十

神宗紀二 起萬曆六年戊寅訖萬曆十年壬午凡五年

卷第四十一

神宗紀三 起萬曆十一年癸未訖萬曆十四年丙戌凡四年

卷第四十二

神宗紀四 起萬曆十五年丁亥訖萬曆十九年辛卯凡五年

卷第四十三

神宗紀五 起萬曆二十年壬辰訖萬曆二十三年乙未凡四年

卷第四十四

神宗紀六 起萬曆二十四年丙申訖萬曆二十七年己亥凡四年

卷第四十五

神宗紀七 起萬曆二十八年庚子訖萬曆三十二年甲辰凡五年

卷第四十六

神宗紀八 起萬曆三十三年乙巳訖萬曆三十七年己酉凡五年

卷第四十七

神宗紀九 起萬曆三十八年庚戌訖萬曆四十二年甲寅凡五年

卷第四十八

神宗紀十 起萬曆四十三年乙卯訖萬曆四十八年庚申七月凡六年

卷第四十九

光宗紀 起泰昌元年庚申八月訖十二月凡五月

卷第五十

熹宗紀一 起天啟元年辛酉訖天啟三年癸亥凡三年

卷第五十一

熹宗紀二 起天啟四年甲子訖天啟七年丁卯凡四年

卷第五十二

莊烈紀一 起崇禎元年戊辰訖崇禎三年庚午凡三年

卷第五十三

莊烈紀二 起崇禎四年辛未訖崇禎七年甲戌凡四年

卷第五十四

莊烈紀三 起崇禎八年乙亥訖崇禎十年丁丑凡三年

卷第五十五

莊烈紀四  
起崇禎十一年戊寅訖崇禎十三年庚辰凡三年

卷第五十六  
莊烈紀五  
起崇禎十四年辛巳訖崇禎十五年壬午凡二年

卷第五十七  
莊烈紀六  
起崇禎十六年癸未訖崇禎十七年甲申三月凡二年

福王始末

卷第五十九  
唐王始末

卷第六十  
桂王始末

明紀卷第一

賜進士出身工部候補主事虞衡司行走陳鶴養

卹贈知府銜給雲騎尉世職內閣候補中書孫男克家參訂

太祖紀一

一起元至正十一年辛卯元至正十二年壬辰太祖始從郭子興起兵濠州元至正十五年乙未太祖用韓林兒年號稱龍鳳元年秋訖于元至正二十三年癸卯即龍鳳九年也

太祖開天行道肇紀立極大聖至神仁文義武俊德成功高皇帝諱元璋字國瑞姓朱氏先世家沛徙句容再徙泗州父世珍始徙濠州之鍾離母陳氏生四子太祖其季也以元天曆元年九月丁丑生其夕室中有光燭天自是夜數有光起比長姿貌雄傑奇骨貫頂志意廓然人莫能測元至正四年大饑疫父母兄相繼沒貧無所依入皇覺寺爲僧尋游食合肥歷光固汝穎諸州崎嶇三載復還寺其明年台州方國珍倡亂海上時天下承平有司憚於用兵一意招撫又三年穎州劉福通諸縣李二羅田徐壽輝等兵起初樂城韓山童自祖父以白蓮會燒香惑眾山童鼓妖言謂天下當大亂彌勒佛下生河南江淮間愚民多信之福通與其黨復說山童宋徽宗八世孫當主中國殺白馬黑牛誓告天地欲同起兵爲亂事覺有司捕之急福通遂反陷潁州而山童爲吏所得伏誅子林兒逃武安山中至正十一年五月也福通據朱臯破羅山上蔡真陽確山又破汝寧府息州光州眾至十萬李二號芝蔴李亦以燒香聚眾與彭大趙均用攻陷徐州壽輝與鄒普勝亦以妖術聚眾爲亂陷新水縣及黃州路時所在蠱起多以紅巾爲號人皆謂之紅軍亦稱香軍十月壽輝僭稱皇帝即斬水爲都國號天完建元治平以鄒普勝爲太師定遠人郭子興者家富饒任俠喜賓客見天下方亂散家貲與壯士相結

十二年春二月集少年數千人襲據濠州

徐壽輝連陷湖廣江西諸郡縣

時太祖年二十五謀避兵卜於神去雷皆不吉

乃曰得毋當舉大事乎再卜之吉太祖大喜閏三月甲戌朔入濠州門者疑爲謀執以告子興子興奇其狀貌解縛與語置帳下爲十夫長數從戰有功子興喜其次妻張氏亦指目太祖曰此異人也秋九月妻以所撫馬公文是爲孝慈高皇后始子興同起事者孫德崖等四人各稱元帥不相下四人者廬而懸日剽掠子興意輕之四人不悅子興多家居不視事太祖乘閒說曰彼日益合我日益離久之必爲所制子興不能從元右丞相脫脫復徐州李二走死彭大趙均用帥餘眾奔濠德崖等以其故盜魁有名共推奉之使居已上大有智數子興禮之而易均用德崖等諸諸均用曰子興知有彭將軍耳不知有將軍也均用怒伺子興出執而械諸德崖家將殺之時太祖方在淮北聞難馳至訴於大大曰吾在孰敢魚肉而翁者呼兵以行太祖亦甲而擁盾發屋出子興使人員以歸遂免冬元將賈魯月哥察兒等圍濠州乃釋故憾共守十三年春賈魯卒圍解大均用皆自稱王太祖收里中兵得七百人徐達湯和陸仲亨等率先歸附子興以太祖爲鎮撫達濠

人少有大志長身高額剛毅武勇與太祖一見語合時年二十二未幾大死子早住領其眾 夏五月泰州張士誠兵起有眾萬餘元以萬戶告身招之不受襲據高郵自稱誠王國號大周建元天祐 方國珍請降於元浙東行省都事劉基言國珍首逆數降數叛不誅無以懲後國珍懼使人潛至京師賂諸權貴冬十月元授國珍徽州路治中賁基擅威福羈管紹興國珍愈橫 時彭趙所部暴橫子與弱太祖度無足與共事乃以兵屬他將獨與徐達等二十四人南略定遠聞張家堡有民兵號驢牌寨者無所屬太祖偕費聚往招之已定約其帥欲他屬太祖復偕聚往計縛其帥收卒三千聚又招降秦把頭得八百餘人十四年太祖引兵趨定遠縣人毛驥扶令出降太祖喜畱與飲食籌兵事悉當意 初定遠人縲大亨糾義兵爲元攻濠不克元兵潰大亨獨以眾二萬人與張知院屯橫澗山固守月餘太祖以計夜襲其營破之大亨與子走免比明復收散卒列陳以待太祖遣其叔貞論降之命將所部以從 太祖略地至妙山馮國用與其弟勝來歸見其被服儒雅奇之詢天下大計國用對曰金陵龍蟠虎踞帝王之都先拔之以爲根本然後四出征伐倡仁義收人心勿貪子女玉帛天下不足定也定遠人李善長者少讀書有智計習法家言策事多中太祖道遇之知其爲里中長者畱掌書記從容問曰四方戰鬪何時定乎對曰秦亂漢高起布衣鄒達大度知人善任不嗜殺人五載成帝業今元綱旣紊天下土崩瓦解公濠產距沛不遠山川王氣公當受之法其所爲大業可成也太祖皆善之 陸仲亨取大柳樹諸寨鄭遇霖取鐵佛岡三汊河諸寨趙德勝取全椒後河諸寨徐達等破元兵於滁州澗將至滁州太祖帥數騎前行花雲從猝遇敵兵數千雲舉鉞翼太祖拔劍躍馬衝陳而進敵驚曰此黑將軍勇甚不可當兵至遂克滁州滁人范常杖策謁軍門太祖夙知其名與語意合畱置幕下有疑輒問常悉以實對 趙均用專狠益甚挾郭子興攻盱眙泗州必欲殺之太祖已取滁遣人說均用曰大王窮迫時郭公開門延納德至厚也大王不能報反聽細人言圖之自翦羽翼失豪傑心竊爲大王不取且其部曲猶厭殺之得無貽後悔乎均用聞太祖兵甚盛心憚之太祖又使人賂其左右子興由是得免帥所部萬人就太祖於滁 子興至滁欲自王太祖曰滁四面皆山舟楫商旅不通非可旦夕安者子興乃已 子興中譏言稍奪太祖兵柄太祖事子興愈謹將士有所獻孝慈皇后輒以遺子興妻子興又欲奪李善長自輔善長固謝弗往太祖深倚之 冬十月元脫脫大敗張士誠於高郵分兵圍六合太祖曰六合破滁且不免與耿再成軍互梁壘救之力戰度不敵引還元兵尋大至太祖設伏澗側令再成誘敵敗之乃還所獲馬遺父老具牛酒謝元將曰守城備他盜耳奈何舍巨寇戮良民元兵引去 太祖以四方割據戰爭無虛日命范常爲文禱於上帝曰今天下紛紜生民塗炭不有所屬物類盡矣儻元祚未終則羣雄當早伏其辜某亦在羣雄中請自某始若已厭元德有天命者宜歸之無使斯民久

貽危苦 太祖兄子文正姊子李文忠來歸撫文忠爲子令從己姓 脫脫數敗士誠圖高郵驛其外城城且下會元帝信讒言解脫脫兵柄削官爵以他將代之士誠乘間奮擊元兵潰走江淮亂益熾

十五年春正月子興用太祖計遣張天祐等拔和州兵不戰范常言於太祖曰得一城而使人肝腦塗地何以成大事會子興命太祖統諸將鎮守其地太祖知諸將皆等夷莫肯爲下乃祕子興檄期旦日會廳事時席尚右諸將先入皆踞右太祖故後至就左比視事剖決如流諸將瞠目不能發一語始稍稍屈議分工曁城期三日太祖工竣諸將皆後於是始出檄南面坐曰奉命總諸公兵今譬城皆後期如軍法何諸將惶恐謝乃搜軍中所掠婦女縱還家民大悅 元兵屯新塘高望雞籠山絕和州饌道太祖率眾破之元兵知太祖出襲和州李善長設伏敗之元兵皆走渡江 太祖威名日盛諸將來歸者善長察其材言之太祖復爲太祖布款誠使皆得自安有以事力相齟齬者委曲爲調護湯和長太祖三歲獨奉約京惟謹 二月劉福通物色韓林兒得諸碭山夾河迎至亳僭稱皇帝國號宋建元龍鳳治宮闕以林兒母楊氏爲皇太后杜遵道盛文郁爲丞相福通及羅文素平章政事劉六知樞密院事遵道寵用事福通疾之命甲士撾殺遵道自爲丞相加太保事權一歸福通 孫德崖饑就食和州太祖納之子興聞忽甚夜至和德崖引去前營已發德崖留視後營而其軍與子興軍鬪多死者子興執德崖鎖其頸與之飲酒問太祖亦爲德崖軍所執大驚立遣徐達往代太祖縱德崖還德崖軍釋太祖達亦獲免子興憾德崖甚將甘心焉以太祖故彊釋之邑邑不樂三月發病卒歸葬滁州 韓林兒檄郭天敘爲都元帥張天祐太祖爲左右副元帥天敘子興子也 常遇春來歸遇春懷遠人貌奇偉勇力絕人猿臂善射初從劉聚爲盜察聚終無成歸太祖於和陽未至因臥田間夢神人披甲擁盾呼曰起起主君來驚寤而太祖適至即迎拜無何自請爲前鋒太祖曰汝特饑來就食耳吾安得汝爾也遇春固請太祖曰俟渡江事我未晚也太祖謀渡江無舟楫初巢人俞廷玉及其子通海通源通淵廖永安及其弟永忠結寨巢湖有水軍千艘數爲廬州左君弼所窘夏五月遣通海開道歸太祖太祖大喜親往拔其軍元中丞蠻子海牙扼銅城開馬場河諸隘瀕河惟一港可通亦久涸水軍不得出會天大雨水深丈餘太祖喜曰天助我也引舟出江至和陽遂擊海牙於峪溪口元兵駕樓船不利進退巢湖諸將皆長於水戰操舟若飛再戰再破元兵始定計渡江諸將請直趨集慶太祖曰取集慶必自采石始采石重鎮守必固牛渚前臨大江彼難爲備可必克也六月乙卯發江口廖永安舉帆請所向命直趨牛渚西北風方驟頃刻達岸元兵陳磯上舟距岸三丈餘莫能登遇春飛舸至太祖座之前遇春應聲奮戈前敵接其戈乘勢躍而上大呼跳蕩元軍披靡拔之采石兵亦潰緣江諸壘悉附諸將以和州饑爭取資糧謀歸太祖謂徐達曰渡江幸捷若舍而歸江東

非我有也乃悉斷舟纜放急流中謂諸將曰太平甚近當與公等取之遂乘勝拔太平李善長預書榜禁士卒剽掠城下卽揭之通衢有卒違令斬以徇軍中肅然執元萬戶納哈出總管斬義赴水死太祖曰義士也禮葬之改太平路曰太平府置太平興國翼元帥府自領府事以李善長爲都事汪廣洋爲令史召陶安參幕府事潘庭堅爲帥府教授又命馮國用典親兵李習爲太平知府是役也達與遇春皆爲軍鋒冠時太平四面皆元兵右丞阿魯灰中丞蠻子海牙等嚴師截姑孰口民兵元帥陳瑄先水軍師康茂才以數萬取城太祖遣徐達等逆戰別將潛出其後夾擊之湯和流矢中左股拔矢復鬪與諸將破禽瑄先并降其眾阿魯灰等引去俞通海等徇下諸屬縣攻蕪湖鄭遇霖戰死弟遇春領其眾徐達取溧陽常遇春守之達又取溧水秋九月郭天敘張天祐等攻集慶路陳瑄先叛二人皆戰死瑄先尋爲民兵所殺從子兆先收其眾屯方山康茂才移戍采石與海牙犄角以窺太平冬十二月壬子朔釋納哈出北歸元師大敗劉福通於太康進圍亳州福通以韓林兒走安豐淮東饒張士誠遣弟士德由通州渡江入常熟是歲太祖稱龍鳳元年

十六年春正月倪文俊建僞都於漢陽迎徐壽輝據之二月張士德陷平江湖州松江常州諸路改平江路爲隆平府士誠自高郵來居之時將士妻子輜重皆在和州元蠻子海牙以舟師據采石道中梗丙子太祖自將攻之選驍勇王銘等爲奇兵常遇春多張疑兵分敵勢戰方合銘率敢死士大譟突之遇春操輕舸衝海牙軍爲二左右縱擊大敗之盡得其舟江路復通三月癸未進兵方山禽陳兆先降其眾三萬六千人皆疑懼不自保太祖擇驍健者五百人爲親軍宿衛帳中悉屏舊人獨留馮國用侍榻側太祖酣寢達旦眾心始安庚寅攻集慶國用帥五百人先登陷陳敗元兵於蔣山元行臺御史大夫福壽嬰城固守城破宿督兵巷戰或勸之遁叱而射之遂死於兵參政伯家奴達魯花赤達尼達恩等皆戰死蠻子海牙遁歸張士誠康茂才降太祖入城召官吏父老諭之曰元政演擾干戈並起我來爲民除亂耳其人安堵如故賢士吾禮用之舊政不便者除之吏毋貪暴殃吾民民大喜過望改集慶路爲應天府置天興翼統軍大元帥府辟夏煜孫炎楊憲等十餘人用之並置上元江寧二縣葬御史大夫福壽以旌其忠丁酉徐達帥諸軍東攻鎮江顧成與勇士十人轉關入城被執十人皆死成躍起斷縛仆持刀者脫歸導眾攻城拔之元守將段武平章定定戰死是役也太祖數諸將不戢下陽怒欲置之法李善長力救得解乃命達爲大將丁寧遣之達號令明肅城中晏然以鎮江爲江淮府沐英守之英太祖義子也號周舍時太祖多蓄義子周舍道舍馬兒柴舍黃金剛奴也先買驢潑兒保兒之屬至二十餘人道舍何文輝也馬兒徐司馬也柴舍朱文剛也保兒平安也攻下郡邑輒遣之偕諸將分守徐達之將發也太祖謂之曰聞有秦元之者才器老成汝當詢訪致吾欲見意元之

元行臺侍御史秦從龍也達下鎮江訪得之太祖命朱文正李文忠奉金綺造廬聘焉從龍與妻俱來太祖自迎之龍江時太祖居富民家因邀從龍同處朝夕訪以時事已卽元御史臺爲府居從龍西華門外事無大小悉與之謀嘗以筆書漆簡問答甚密左右皆不能知從龍薦故温州教授陳遇太祖發書以伊呂諸葛爲喻既至畱參密議日見親信元復以海道萬戶招方國珍國珍復降於元國珍初作亂元出空名宣敕數十道募人擊賊海濱壯士多應募立功所司邀重賄不與數有一家數人死事卒不得官者而國珍之徒一再招諭皆至大官由是民慕爲盜從國珍者益眾夏六月乙丑鄧愈帥華高等徇廣德路元守將嚴兵城下高以數騎挑戰不動高衝擊大破之遂克其城以爲廣興府使愈及邵成守之乙亥遣楊憲通好於張士誠其書曰昔隗囂稱雄於天水今足下亦擅號於姑蘇事勢相等吾深爲足下喜睦鄰守境古人所貴竊甚慕焉自今信使往來毋惑讒言以生邊釁士誠得書畱憲不報秋七月己卯朔太祖爲吳國公置江南行中書省自總省事以李善長宋思顏爲參議李夢庚郭景祥等數十人皆爲省僚軍機進退賞罰章程多決於善長時又置行樞密院亦太祖自領之朱文正同僉院事又置帳前都指揮使司左右前後中翼元帥府五部都先鋒省都鎮撫司理問所提刑按察司兵馬指揮司營田司辛巳張士誠遣舟師攻鎮江徐達敗之於龍潭太祖遣達及湯和攻常州士誠兵來援達以敵狡而銳未易力取乃離城設二伏以待別遣將王均用爲奇兵而自督軍戰敵退走遇伏大敗之獲其張湯二將初郭天敘戰死韓林兒以其弟天爵爲中書右丞已而太祖爲平章政事天爵失職怨望久之謀不利於太祖誅死子興後遂絕有一女事太祖後爲惠妃生蜀谷代三王九月戊寅太祖如江淮府謁孔子廟遣儒士告諭父老勸農桑尋還應天庚辰韓林兒將李武崔德破武關冬十月張士誠以書求和請歲輸粟二十萬石黃金五百兩白金三百斤太祖答書責其歸楊憲歲輸粟五十萬石士誠復不報徐達進圖常州不下十二月改江淮府爲鎮江府

十七年春二月耿炳文自廣興進攻長興敗士誠將趙打虎獲戰船三百餘艘禽其守將李福安等戊申克長興與據太湖口與宣歙接壤爲江浙門戶太祖得其地大喜三月乙亥朔改爲長安州立永興翼元帥府以炳文爲總兵都元帥費聚爲副守之溫祥卿者多智數避亂來歸炳文引入幕府畫守禦計甚悉壬午徐達克常州丁亥以爲長春府己丑復曰常州府改武進縣曰永定晉陵縣曰京臨尋省京臨入永定以湯和爲樞密院同僉守之常與士誠接壤閒謀百出和防禦嚴密敵莫能窺是役也郭興晝夜不解甲者七月城下受上賞林兒將毛貴陷膠萊益都濱州山東郡邑多下時元將別不華屯寧國六安人朱亮祖者初爲元義兵元帥太祖克太平時得之喜其勇悍賜金幣仍舊官居數月遁去復歸於元數與我兵戰爲所